

SLUTTRAPPORT

Lørdag 21.08. til søndag 22.08.2010 arrangerte Sogn og Fjordane fylkeslag sommar/familiesamling på Gloppen camping, som ligg på Sandane i Sogn og Fjordane.

Samlinga var først bestemt å vere i Sogn sidan det dei siste åra har vore lite familiar med derifrå. Men etter å ha sendt ut invitasjonen og ingen sogningar hadde meldt seg på, bestemte styret seg for å flytte samlinga til Sandane. Sandane ligg i Nordfjord, og det var kun nordfjordingar som hadde meldt seg på også denne gangen.

Det vart dessverre familiar som måtte melde fråfall heilt på tampen av forskjellige grunnar, så programmet vart litt amputert. Det vart ikkje henta inn foredragsholdar då det ville vore for få foreldre som kunne deltatt.

Vi var 3 familiar som overnatta på campingplassen, samt 2 familiar som kom på besøk for å få med seg programmet og det sosiale i og med dei budde rundt Sandane-området.

Programmet besto lørdagen av felles lunsj, gårdsbesøk, bading, middag, minigolf og sosialt lag utover kvelden. Gårdsbesøket var spesielt stor suksess. Alle som ville fekk ri på hester. Ellers var der dyr som sauer, lam, føll, gris og katter. Etterpå venta der heimelaga kaker, vafler og saft. Eit flott arrangement arrangert av ein av hjertefamiliane frå Sandane.

Familiesamlingar er alltid ein suksess - uansett kor mange vi er og ikkje er. Det at hjertebarna våre får møte andre hjertebarn, ser vi i styret og som foreldre gjere godt for barna våre. Vi bur spredt rundt omkring i fylket, og ofte er der ikkje andre hjertebarn i nærområdet. Det å kunne møtast på slike samlingar og møte andre som seg sjølv og som har den same "stripa" på brystet, gjere godt på bildet av seg sjølv. Då ser og veit hjertebarna våre at her er andre med liknande erfaringar og opplevelsar som ein sjølve har og/eller har hatt.